

# KOMMUNALE REGLAR FOR TILSKOT TIL LANDBRUKET



## KAP. I FØREMÅL

§ 1 Føremålet er å oppfylle kommunen sine til ei kvar tid gjeldande næringspolitiske målsetjingar slik desse er uttrykt i kommuneplan og økonomiplan. Føremålet er vidare å sikra busettinga i kommunen og eksisterande arbeidsplassar i Åseral og byggja ut nye.

## KAP. II KRAV TIL BRUKA, EIGARANE M. V.

§ 2.1 Dei bruka som får produksjonstilskot kan få kommunalt tilskot til tiltak i jordbruket. Skogeigedomar på over 100 dekar produktiv skog kan få tilskot til tiltak i skogbruket.

§ 2.2 Kommunale tilskot skal i hovudsak gjevast til personar som er busett i Åseral.

§ 2.3 Tilskot til bygging av driftsbygningar kan berre gjevast til eigaren av gardsbruket.

## KAP III GENERELLE REGLAR

§ 3.1 Det er kommunestyret sin intensjon at ein i samband med den årlege budsjett handsaminga vil setja av ein pott til tilskott innafor landbruket. Midla vert stilt til rådvelde for Hovudutvalet for drift og utvikling som har ansvaret for gjennomføringa av ordninga.

Ved kvart vedtak om økonomisk støtte frå kommunen blir det utarbeidd eit løyvingsbrev. I dette skal generelle og spesielle føresetnader for vedtaket gå fram. Løyvingsbrevet inneheld òg ei erklæring om at støttemottakar er kjent med føresetnadane for vedtaket og at han vil oppfylle desse. Løyvingsbrevet skal signerast av søkjaren og returnerast til kommunen før vedtaket er gyldig.

Det er ikkje høve til å gjera bindande vedtak om disponering av evt. midlar på neste års budsjett.

Søknader om tilskot blir handsama to gonger kvart år, søknadsfrist 15.03 og 15.09. Søknader som har blitt handsama to gonger utan å bli prioritert er å rekna som avslått.

§ 3.2 Søknad med naudsynte plan-/byggjeteikningar, kostnadsoverslag, budsjett og evt. driftsplan skal sendast Avd. for Drift og utvikling . Administrasjonen avgjer kva som er naudsynt dokumentasjon for at politikarane skal ha eit til strekkeleg avgjerdsgrunnlag.



- § 3.3 For å stimulera til nabosamarbeid kan fellestiltak få auka tilskotssats. Der ein vurderer det slik at fellestiltak gjev den beste løysinga kan tilskotssatsen aukast med 10 % i forhold til når det berre er ein søkjar.
- § 3.4 Arbeidsfristen er løvingsåret pluss ytterlegare 3 år.
- § 3.5 Tilskot kan utbetalast når arbeidet etter godkjend plan er ferdig. Dersom det er ynskjeleg, kan ein få utbetalt tilsvarande så langt som ein er komen i arbeidet. Inntil 80 % av tilskotet kan utbetalast før ferdiggodkjenning. Eige arbeid kan medreknast.
- § 3.6 Arbeidet kan settast i gang når søknaden er sendt. Dette skjer på eige ansvar og får ikkje innverknad på handsaminga av søknaden.

## KAP IV TILSKOTSFORMER OG STØTTENIVÅ

### § 4.1 Tilskot til driftsbygningar

Det vert berre gitt tilskot til prosjekt som vert prioritert av Innovasjon Norge.

Det kan gjevast tilskot til investeringar i bygningar for produksjon. Det gis ikkje tilskot til bygningar med rein lagerfunksjon.

Tilskot kan løyvast til nybygg/tilbygg/ombygging til annan produksjon/oppgradering for meir effektiv drift for følgjande bygningar:

- a) Husdyrrom med tilhøyrande fòrlager og gjødsellager
- b) Silo og høytørke
- c) Utbetring av siloar og gjødselkjellarar
- d) Veksthus

Bygningar finansiert gjennom Innovasjon Norge kan gjevast tilskot med inntil 50 % av det tilskotet som Innovasjon Norge gjev.

### § 4.2 Tilskot til fulldyrking

Til nydyrking kan det gjevast tilskot med inntil 20 % av godkjend kostnadsoverslag. Tilskotet er avgrensa oppad til kr. 2.000,- per dekar.

### § 4.3 Tilskot til jordbruksveggar, skogsbilveggar og traktorveggar

Det kan gjevast tilskot med inntil 20 % av vegkostnad. Kvalitetskravet til vegane er det same som for statstilskot. Det er eit vilkår at det blir lagt til rette for all menn og organisert ferdsl i friluftssamanheng, t.d. ved merking. Dette gjeld ikkje motorisert ferdsl.

### § 4.4 Tilskot til skogkulturarbeid

Det kan gjevast tilskot med inntil 20 % av kostnadene etter dei reglar som til ei kvar tid gjeld for tilskot frå staten.



#### § 4.5 Tilskot til kompetanseheving

Det kan gjevast tilskott med inntil 20 % av godkjende kostnader. Følgjande kostnader kan takast med i tilskotsgrunnlaget:

- Kursavgift
- Utgifter til opphald i samband med kurs

Det gis ikkje støtte til kompetanseheving som blir gjort som følgje av offentlege pålegg. I tillegg må det kompetansehevande tiltaket tilføre ny relevant kompetanse for å vidareutvikle bedrifta.

#### § 4.6 Føresetnaden for å få tilskot:

- Driftsbygningar: søkjar investerer kr. 250.000 eller meir.
- Tilskot til nydyrking: søkjar investerer kr. 100.000,- eller meir.
- Landbruksveggar: søkjar investerer kr. 200.000,- eller meir.

For tilskot til skogkulturarbeid er det ikkje beløpsgrense.

§ 4.7 Om støtte frå andre offentlege finansieringskjelder gjer at den samla offentlege støtta kjem over 50 %, skal kommunen si støtte automatisk reduserast tilsvarande. Det gjeld ikkje for skogkulturarbeid.

### **KAP V UNNATAK OG KLAGE**

#### § 5.1 Unnatak

Kommunen kan gjera unnatak frå regelverket når dei ynskjer det. Eit slikt unnatak må vera grunnjeven.

#### § 5.2 Klage

Klage på vedtaket, og handsaming av slik klage, skal fylgja reglane gjeven i Lov av 10. februar 1967 om behandlingsmåten i forvaltnings saker (Forvaltningsloven).

### **KAP VI OM UTFYLLING OG ENDRING AV REGLANE**

§ 6 HDU kan, når dei finn det naudsynt, gjera framlegg om endringar i regelverket. KST fattar avgjerd.

### **KAP VII IVERKSETJING**

§ 7 Desse reglane avløyser reglar vedteke i kommunestyret 27.08.2009

Reglane trer i kraft straks.

